



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 46. stav (4) Zakona o izvršavanju Budžeta Unsko-sanskog kantona za 2024. godinu („Službeni glasnik Unsko-sanskog kantona“, broj: 9/24 i 16/24) i člana 12. Zakona o poticaju razvoja male privrede („Službeni glasnik Unsko-sanskog kantona“, broj 19/11), na prijedlog Ministarstva privrede, Vlada Unsko-sanskog kantona na 61. sjednici, održanoj dana 8.8.2024. godine, d o n o s i

PROGRAM POTICAJA RAZVOJA MALE PRIVREDE ZA 2024. GODINU

POGLAVLJE I. OPĆE ODREDBE

Član 1.

(Predmet Programa)

Programom poticaja razvoja male privrede za 2024. godinu (u daljnjem tekstu: Program) utvrđuju se poticajne mjere i aktivnosti radi ostvarivanja ciljeva razvoja male privrede, te prioriteta i kriterija poticaja razvoja male privrede u skladu sa raspoloživim finansijskim sredstvima.

Član 2.

(Cilj Programa)

Cilj Programa je pružanje podrške subjektima male privrede, fizičkim i pravnim licima, definisanim Zakonom o poticaju razvoja male privrede („Službeni glasnik Unsko-sanskog kantona“, broj 19/11), koji su registrirani u okviru proizvodne, proizvodno-uslužne i uslužne djelatnosti, radi očuvanja, rasta i razvoja subjekata male privrede na području Unsko-sanskog kantona (u daljnjem tekstu: Kanton), kroz povećanje proizvodnje, kvalitete i konkurentnosti male privrede, povećanje broja zaposlenika, promociju poduzetništva i samozapošljavanja, poticanje pokretanja i vođenja vlastitog subjekta male privrede, poticanja obavljanja obrta, srodnih djelatnosti, domaće radinosti i opstanka tradicionalnih i starih zanata, povećanja udjela žena, mladih i osoba sa invaliditetom u poduzetništvu, a sve s ciljem održivog razvoja i implementacije aktivnosti koje doprinose realizaciji mjera predviđenih Strategijom razvoja Unsko-sanskog kantona 2021. – 2027.

Član 3.

(Poticajne mjere)

Ciljevi definisani članom 2. ovog Programa realizirat će se kroz mjere:

- a) Jačanje konkurentnosti subjekata male privrede – pravna lica,
- b) Poticaj obrtima,
- c) Podrška novoosnovanim subjektima male privrede,
- d) Podrška pokretanju vlastitog biznisa – START UP.

POGLAVLJE II. JAČANJE KONKURENTNOSTI SUBJEKATA MALE PRIVREDE – PRAVNA LICA

Član 4.

(Predmet mjere)

Predmet mjere je prikupljanje prijava subjekata male privrede – pravnih lica, definisanih Zakonom o poticaju razvoja male privrede za **sufinansiranje** prihvatljivih troškova taksativno navedenih u članu 9. stav (1) i (2) ovog Programa.

Član 5.

(Sredstva za implementaciju)

Sredstva za implementaciju ove mjere obezbjeđena su u Budžetu Ministarstva privrede na ekonomskom kodu 614500 FAP002 – „Subvencije preduzećima i poduzetnicima“ u ukupnom iznosu od **1.500.000,00 KM**.

Član 6.

(Pravo učešća)

Pravo učešća imaju subjekti male privrede (d.o.o. ili poslovne jedinice – ukoliko pravno lice aplicira sa poslovnom jedinicom) definisani Zakonom o poticaju razvoja male privrede, registrovani do 31.12.2023. godine, u skladu sa Zakonom o privrednim društvima („Službene novine Federacije BiH“, broj: 81/15 i 75/21), u okviru proizvodne, proizvodno-uslužne i uslužne djelatnosti, koji ispunjavaju uslove za dodjelu sredstava definisane članom 7. ovog Programa.

Član 7.

(Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede koji ispunjavaju sljedeće uslove:

- a) da na osnovu Obavještenja o razvrstavanju prema klasifikaciji djelatnosti Zavoda za statistiku obavljaju registrovanu djelatnost unutar sljedećih područja djelatnosti prema Klasifikaciji djelatnosti KD BiH 2010 („Službeni glasnik BiH“, broj 47/10), na dan 31.12.2023. godine:

| RB | PODRUČJE | OBLAST /GRANA/ RAZRED | DJELATNOSTI ZA KOJE SE DODJELJUJU POTICAJNA SREDSTVA | DJELATNOSTI ZA KOJE SE NEĆE DODJELJIVATI POTICAJNA SREDSTVA |
|----|----------|-----------------------|--|---|
| 1. | C | 10-33 | PRERAĐIVAČKA INDUSTRIJA | C-10.71, C-11.01, C-11.02, C-11.03, C-11.04, C-11.05, C-11.06, C-12, C-19, C-20, C-21, C-25.4, C-30 |
| 2. | G | 45.20 | Održavanje i popravak motornih vozila | |

| | | | | |
|----|---|-------|--|--|
| 3. | H | 49.31 | - Gradski i prigradski kopneni prijevoz putnika | |
| | | 49.32 | - Taksi služba | |
| | | 49.39 | - Ostali kopneni prijevoz putnika, d.n. | |
| | | 49.41 | - Cestovni prijevoz robe | |
| 4. | P | 85.53 | Djelatnosti vozačkih škola | |
| 5. | S | 95 | - Popravak računara i predmeta za ličnu upotrebu i domaćinstvo | |
| | | 96.01 | - Pranje i hemijsko čišćenje tekstilnih i krznениh proizvoda | |

- b) da su registrovani do 31.12.2023. godine i imaju sjedište na području Kantona;
- c) da imaju pozitivno poslovanje u 2023. godini;
- d) da imaju najmanje 2 (dva) zaposlenika na neodređeno vrijeme zaključno sa danom objavljivanja Javnog poziva – za osnovni subjekt, odnosno minimalno dva (2) radnika kada aplicira s poslovnom jedinicom;
- e) da osiguraju vlastito učešće u ukupnoj vrijednosti projekta minimalno **60%**, osim za šifre djelatnosti 49.32 – Taksi služba i 85.53 – Djelatnosti vozačkih škola, gdje je potrebno da podnosilac prijave osigura vlastito učešće u ukupnoj vrijednosti projekta u iznosu od minimalno **25%**;
- f) da uredno izmiruju direktne poreze: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale naknade i takse (podnosioci prijava koji imaju sklopljen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- g) da uredno izmiruju indirektno poreze i dadžbine, ukoliko su u sistemu PDV-a;
- h) da nije pokrenut ili okončan postupak stečaja ili likvidacije ili postupak gašenja, obustave ili ograničenja poslovne aktivnosti;
- i) da se protiv lica ovlaštenog za zastupanje ne vodi krivični postupak i nije pravosnažno osuđeno za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH;
- j) da su opravdali sredstva dodijeljena po programima ovog Ministarstva iz prethodne tri godine i izvršili svoju obavezu definisanu u članu 40. stav (7) ovog Programa;
- k) prijave podnosioca, koji ne budu uskladili šifre djelatnosti sa Klasifikacijom djelatnosti KD BiH 2010, bit će odbačene i neće biti predmet daljeg razmatranja. Izbor korisnika vršit će se isključivo na osnovu šifre djelatnosti iz Obavijesti o razvrstavanju poslovnog subjekta prema djelatnosti, koju izdaje Zavod za statistiku Federacije BiH, a koju je podnosilac prijave imao kao šifru pretežne djelatnosti na dan 31.12.2023. godine.

Član 8.

(Minimalan i maksimalan iznos sredstava koji se dodjeljuje)

- (1) Minimalan iznos sredstava koji se može dodijeliti pravnom licu (ili poslovnoj jedinici ukoliko subjekt aplicira sa poslovnom jedinicom) registrovanom u okviru šifre djelatnosti C (10-33) – Prerađivačka industrija (osim djelatnosti za koje je određeno da se neće

dodjeljivati poticajna sredstva) iznosi **3.000,00 KM**, a maksimalan iznosi **30.000,00 KM**. Ukupna vrijednost projekta s kojim podnosilac prijave aplicira ne može biti manja od **7.500,00 KM**.

- (2) Minimalan iznos sredstava koji se može dodijeliti pravnom licu (ili poslovnoj jedinici ukoliko subjekt aplicira sa poslovnom jedinicom) registrovanom u okviru šifri djelatnosti: 45.20 – Održavanje i popravak motornih vozila, 49.31 – Gradski i prigradski kopneni prijevoz putnika, 49.39 – Ostali kopneni prijevoz putnika i 49.41 – Cestovni prijevoz robe, S 95 – Popravak računara i predmeta za ličnu upotrebu i domaćinstvo i S 96.01 – Pranje i hemijsko čišćenje tekstilnih i krznenih proizvoda, iznosi **3.000,00 KM**, a maksimalan iznosi **10.000,00 KM**. Ukupna vrijednost projekta s kojim podnosilac prijave aplicira ne može biti manja od **7.500,00 KM**.
- (3) Minimalan iznos sredstava koji se može dodijeliti pravnom licu (ili poslovnoj jedinici ukoliko subjekt aplicira sa poslovnom jedinicom) registrovanom u okviru šifri djelatnosti: 49.32 – Taksi služba i 85.53 – Djelatnosti vozačkih škola iznosi **600,00 KM**, a maksimalan iznosi **1.500,00 KM**. Ukupna vrijednost projekta s kojim podnosilac prijave aplicira ne može biti manja od **800,00 KM**.
- (4) Ukoliko podnosioci prijava iz stava (1), (2) i (3) ovog člana podnose prijave za učešće na domaćim i međunarodnim sajmovima kao izlagači, minimalan iznos sredstava koji im se može dodijeliti iznosi **600,00 KM**, a maksimalan iznosi **4.000,00 KM**. Ukupna vrijednost projekta s kojim podnosilac prijave aplicira ne može biti manja od **1.000,00 KM**.

Član 9.

(Namjena utroška sredstava i rok za implementaciju)

- (1) Sredstva iz člana 8. stav (1) ovog Programa namijenjena su za **sufinansiranje prihvatljivih troškova**:
 - nabavka mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavka ili izrada digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti,
 - tehničko usklađivanje kroz uvođenje modernizacije i inovacije poslovnih procesa – uvođenja sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i certificiranje proizvoda (CE znaka) i stjecanje prava ili obnavljanja upotrebe: ISO, HACCP, HALAL i drugih međunarodnih standarda i
 - učešće na domaćim i međunarodnim sajmovima kao izlagači (troškovi zakupa sajamskog prostora, najam, uređenje i vođenje štanda te troškovi izrade i štampanja promotivnih materijala).
- (2) Sredstva iz člana 8. stav (2) i (3) ovog Programa namijenjena su za sufinansiranje prihvatljivih troškova: servisiranje vozila (zamjena ulja i tečnosti za motor, filtera, kočionog sistema, klimatizacije) i nabavku opreme (gume za vozilo: set zimskih i/ili ljetnih guma sa oznakom DOT 24), kao i nabavku opreme za učionice (u okviru šifre djelatnosti 85.53 – Djelatnosti vozačkih škola za one subjekte koji imaju odobrenje za osposobljavanje kandidata za teorijski dio vozačkog ispita) i to: tabla, projektor, laptop,

tv, računar te učešće na domaćim i međunarodnim sajmovima kao izlagači (troškovi zakupa sajamskog prostora, najam, uređenje i vođenje štanda, troškovi izrade i štampanja promotivnih materijala).

- (3) Utvrđeni troškovi sufinansiranja iz stava (1) i (2) ovog člana moraju biti **isključivo** namijenjeni djelatnosti koju pravno lice (poslovna jedinica) obavlja.
- (4) Mašine, postrojenja i oprema koji se nabavljaju **ne mogu biti stariji od pet godina** od dana objave Javnog poziva.
- (5) Podnosilac prijave registrovan u okviru šifre djelatnosti C (10 – 33) – Prerađivačka industrija (osim djelatnosti za koje je određeno da se neće dodjeljivati poticajna sredstva) u Prijavnom obrascu može iskazati potrebu za namjenu utroška sredstava za sve tri vrste sufinansiranja iz stava (1) ovog člana, pri čemu ukupan iznos koji traži od Ministarstva može biti maksimalno 30.000,00 KM.
- (6) **Neprihvatljivi troškovi za koje se dodijeljena sredstva ne mogu koristiti su:** nabavka pribora i sitnog inventara, alata (u zavisnosti od vrste djelatnosti: npr. čekić, radne kecelje...), nabavka kancelarijskog namještaja i materijala, nabavka kancelarijske opreme (računari – osim za djelatnost 85.53 – Djelatnosti vozačkih škola, printeri, nabavka softvera koji nije dio projekta, izrada softvera od strane zaposlenika firme, troškovi izrade web stranice), repromaterijal, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, investicije u solarne elektrane, kao i nabavka mašina, postrojenja, usluga i opreme od lica koja nisu registrovana kao poslovni subjekti i koja spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije, krediti, revolving krediti, lizing, gotovinska plaćanja, nastavak realizacije aktivnosti na projektima koji su započeti s implementacijom prije dana objave Javnog poziva po ovom Programu (predračuni, računi i plaćanja starija od dana objave Javnog poziva) i svi ostali troškovi koji nisu u skladu sa namjenom projekta iskazanom u Prijavnom obrascu.
- (7) Kod prijava čiji projekat uključuje i neprihvatljive troškove navedene u Prijavnom obrascu, izvršit će se umanjene ukupne vrijednosti projekta za iznos neprihvatljivih troškova.
- (8) ***Rok za implementaciju projekta je 6 mjeseci od dana potpisivanja Ugovora o dodjeli sredstava.***
- (9) Svako korištenje odobrenih sredstava suprotno namjenama utvrđenim u stavu (1) i (2) ovog člana smatrat će se nenamjenskim utroškom.
- (10) Korisnici sredstava po ovom Programu ne mogu prestati sa radom u periodu od minimalno jedne godine od dana potpisivanja Ugovora o dodjeli sredstava, u suprotnom su u obavezi vratiti dodijeljena sredstva u cjelokupnom iznosu.

Član 10.
(Kriteriji za odabir korisnika)

| RB | Kriterij | Uslovi | Broj bodova | Izvor verifikacije (dostavljena dokumentacija) |
|----|---|--|-------------|---|
| 1. | Broj zaposlenih | do 9 | 1 | Lista osiguranih lica izdana od strane Porezne uprave |
| | | od 10 – 49 | 2 | |
| | | od 50 – 250 | 3 | |
| 2. | Vrsta djelatnosti | Područje C iz KD BiH 2010 | 5 | Obavijest o razvrstavanju subjekata prema djelatnosti usklađeno sa KD 2010 (Zavod za statistiku Federacije BiH) |
| | | Ostala područja iz KD BiH 2010 utvrđene članom 7. Programa | 1 | |
| 3. | Ukupan broj zaposlenih iz ciljnih skupina – žene, mladi do 38 godina i osobe sa invaliditetom | Žene | 2 | Izjava podnosioca prijave o pripadnosti uposlenika sa liste osiguranih o pripadnosti ciljnim skupinama |
| | | Mladi do 38 godina | 2 | |
| | | Osobe sa invaliditetom | 2 | |
| 4. | Vlastito učešće u ukupnoj vrijednosti projekta (minimalno 60%) | 81% i više | 3 | Izjava o vlastitom učešću finansijskih sredstava za realizaciju Projekta |
| | | 61 – 80% | 2 | |
| | | 60% | 1 | |
| 5. | Vlastito učešće u ukupnoj vrijednosti projekta (minimalno 25%) | 61% i više | 3 | Izjava o vlastitom učešću finansijskih sredstava za realizaciju Projekta |
| | | 26 – 60% | 2 | |
| | | 25% | 1 | |
| 6. | Poslovanje subjekta male privrede u jedinicama lokalne samouprave | Izrazito nerazvijene JLS | 3 | Uredba o izradi indeksa razvijenosti u Federaciji BiH (Federalni Zavod za programiranje razvoja) |
| | | Nerazvijene JLS | 2 | |
| | | Razvijene JLS | 1 | |
| 7. | Korisnik poticaja Ministarstva privrede u prethodne tri godine (od 2021. do 2023. godine) | Korisnik poticaja Ministarstva prethodne tri godine | 0 | Službena evidencija Ministarstva |
| | | Korisnik poticaja Ministarstva dvije od prethodne tri godine | 5 | |
| | | Nije bio korisnik poticaja Ministarstva u prethodne tri godine | 10 | |

| | | | | |
|----|---|------------------------|---|---|
| 8. | Vlasnik ili direktor iz ciljnih skupina – žene, mladi do 38 godina i osobe sa invaliditetom | Žene | 2 | Potvrda o prebivalištu vlasnika ili direktora podnosioca prijave, Uvjerenje/Rješenje o invalidnosti ukoliko vlasnik ili direktor pripadaju navedenoj kategoriji |
| | | Mladi do 38 godina | 2 | |
| | | Osobe sa invaliditetom | 2 | |

Napomena:

Ukoliko pravno lice aplicira sa poslovnom jedinicom registriranom na istoj adresi kao i osnovni subjekt, kriterij bodovanja definisan pod rednim brojem 1. i 3. vršiti će se na osnovu Izjave o broju uposlenika definisane članom 11. stav (3) alineja k) i l).

Član 11.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljnjem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca (**Aneks I – koji je sastavni dio Programa**) koji se preuzima sa web stranice Vlade Kantona. Potpisom na Prijavnom obrascu, podnosilac prijave čiji je projektni prijedlog odabran za finansiranje, izražava svoju saglasnost na uslove Ugovora.
- (3) Uz Prijavni obrazac potrebno je dostaviti sljedeću dokumentaciju:
 - a) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi minimalno 60%) – za šifre djelatnosti C (10-33) – Prerađivačka industrija (osim djelatnosti za koje je određeno da se neće dodijeljivati poticajna sredstva) te šifre djelatnosti 45.20 – Održavanje i popravak motornih vozila, 49.31 – Gradski i prigradski kopneni prijevoz putnika, 49.39 – Ostali kopneni prijevoz putnika i 49.41 – Cestovni prijevoz robe, S 95 – Popravak računara i predmeta za ličnu upotrebu i domaćinstvo i S 96.01 – Pranje i hemijsko čišćenje tekstilnih i krznenih proizvoda – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks II – koji je sastavni dio Programa**);
 - b) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi minimalno 25%) – za šifre djelatnosti 49.32 – Taksi služba i 85.53 – Djelatnosti vozačkih škola – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks III – koji je sastavni dio Programa**);
 - c) original aktualnog izvoda iz sudskog registra ne starijeg od 3 mjeseca od dana objave Javnog poziva ili ovjerena kopija istog;
 - d) ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);

- e) ovjerena kopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD BiH 2010 (Zavod za statistiku Federacije BiH) (ovjera ne starija od 3 mjeseca od dana objave Javnog poziva);
- f) original ili ovjerena kopija Uvjerenja od Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i poreza na dohodak, kao i ostalih naknada i taksi (ne starija od 3 mjeseca od dana objave Javnog poziva);
- g) original ili ovjerena kopija Uvjerenja o urednom izmirenju indirektnih poreza i dadžbina od Uprave za indirektno oporezivanje (ukoliko je u sistemu PDV-a) (ne starija od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;
- h) kopija bilansa stanja i bilans uspjeha za 2023. godinu, sa pečatom prijema od strane Finansijsko-informatičke agencije (FIA);
- i) original ili ovjerena kopija potvrde izdane od strane suda da se ne vodi stečajni ili likvidacioni postupak (ne starija od 3 mjeseca od dana objave Javnog poziva);
- j) original ili ovjerena kopija Liste osiguranika izdana od strane Porezne uprave (ne starija od 30 dana od dana objave Javnog poziva). Ukoliko pravno lice aplicira sa poslovnom jedinicom registriranom na različitoj adresi od osnovnog subjekta, dostavlja Listu osigurnika izdanu od strane Porezne uprave za tu poslovnu jedinicu;
- k) Ukoliko pravno lice aplicira sa poslovnom jedinicom registriranom na istoj adresi kao i osnovni subjekt, dostavlja:
 - original ili ovjerenu kopiju Liste osiguranika izdanu od strane Porezne uprave (ne starija od 30 dana od dana objave Javnog poziva) za osnovni subjekat i
 - Izjavu o osiguranicima koji obavljaju poslove u poslovnoj jedinici sa Liste osiguranika osnovnog subjekta, potpisana i ovjerena od strane podnosioca prijave;
- l) Izjava podnosioca prijave o pripadnosti/nepripadnosti uposlenika sa Liste osiguranika ciljnim skupinama (žene, mladi do 38 godina i osobe sa invaliditetom), potpisana i ovjerena od strane podnosioca prijave (odnosno sa Izjave iz alineje k) ukoliko se prijava podnosi za poslovnu jedinicu koja je na istoj adresi kao i osnovni subjekt) – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks IV – koji je sastavni dio Programa**);
- m) Izjava da se protiv lica ovlaštenog za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe, ovjerena i od strane nadležnog gradskog/općinskog organa ili notara (**Aneks V – koji je sastavni dio Programa**);
- n) kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda banke);
- o) original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim

tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije);

Dostavljena ponuda ili predračun ne mogu biti stariji od dana objave Javnog poziva;

- p) Potvrda o prebivalištu vlasnika ili direktora podnosioca prijave (original ili ovjerena kopija – ne stariji od 30 dana od dana objave Javnog poziva);
 - q) Rješenje o invalidnosti ukoliko vlasnik ili direktor pripadaju navedenoj kategoriji (original ili ovjerena kopija – ovjera ne starija od 3 mjeseca od dana objave Javnog poziva);
 - r) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona) **(Aneks VI – koji je sastavni dio Programa).**
- (4) **Ukoliko se Prijavni obrazac podnosi za poslovnu jedinicu, onda dokumente pod rednim brojem d) i e) treba dostaviti i za osnovni subjekt i za poslovnu jedinicu, uz ostalu traženu dokumentaciju.**
- (5) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.
- (6) Subjekti male privrede – **pravna lica (d.o.o. ili poslovne jedinice ukoliko pravno lice aplicira sa poslovnom jedinicom)**, mogu podnijeti samo jednu prijavu, kao osnovni subjekt **ili samo za jednu poslovnu jedinicu.**
- (7) Podnosioci prijave mogu podnijeti samo jednu prijavu po jednoj mjeri iz ovog Programa i isti nemaju pravo apliciranja na Javni poziv ovog Ministarstva po Programu poticaja razvoja turizma za 2024. godinu. U slučaju više prijava istog podnosioca, sve prijave će biti odbačene kao neosnovane i neće biti predmet daljeg razmatranja.

POGLAVLJE III. POTICAJ OBRTIMA

Član 12.

(Predmet mjere)

Predmet mjere je prikupljanje prijave subjekata male privrede – obrta, čije je osnovno ili dodatno zanimanje registrovano kao: obrt, srodna djelatnost, domaća radinost i tradicionalni i stari zanati, za **sufinansiranje** prihvatljivih troškova taksativno navedenih u članu 17. stav (1) i (2) ovog Programa.

Član 13.

(Sredstva za implementaciju)

Sredstva za implementaciju ove mjere obezbjeđena su u Budžetu Ministarstva na ekonomskom kodu 614500 FAP002 – „Subvencije preduzećima i poduzetnicima“ u ukupnom iznosu od **1.000.000,00 KM.**

Član 14.

(Pravo učešća)

- (1) Pravo učešća po predmetnoj mjeri imaju subjekti male privrede definisani Zakonom o obrtu i srodnim djelatnostima u Federaciji BiH („Službene novine Federacije BiH“, broj 75/21) – obrti, srodne djelatnosti, domaće radinosti i tradicionalni i stari zanati, registrirani do 31.12.2023. godine, koji djelatnost obavljaju kao osnovno ili dodatno cjelogodišnje zanimanje u okviru proizvodne, proizvodno-uslužne i uslužne djelatnosti.
- (2) Prijave podnosilaca koji ne budu uskladili svoje poslovanje sa Zakonom o obrtu i srodnim djelatnostima u Federaciji Bosne i Hercegovine biće odbačene i neće biti predmet daljeg razmatranja.
- (3) Prijave podnosilaca koji ne budu uskladili šifre djelatnosti sa Klasifikacijom djelatnosti KD BiH 2010 biće odbačene i neće biti predmet daljeg razmatranja. Izbor korisnika vršit će se na osnovu šifre djelatnosti iz Obavijesti o razvrstavanju poslovnog subjekta prema djelatnosti, koju izdaje Zavod za statistiku Federacije BiH.
- (4) Subjekti male privrede definisani tačkom (1) ovog člana, koji djelatnost obavljaju sezonski, nemaju pravo učešća u predmetnoj mjeri.

Član 15.

(Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede definisani u članu 14. ovog Programa, a koji ispunjavaju sljedeće uslove:

- a) da na osnovu Obavještenja o razvrstavanju prema klasifikaciji djelatnosti Zavoda za statistiku Federacije BiH obavljaju registrovanu djelatnost unutar sljedećih područja djelatnosti prema Klasifikaciji djelatnosti KD BiH 2010:

| RB | OBLAST /GRANA/ RAZRED | DJELATNOSTI ZA KOJE SE DODJELJUJU POTICAJNA SREDSTVA |
|----|--|--|
| 1. | C/10 C/11.07 C/13 - C/18 C/20.42 C/20.53 C/23 - C/29 C/31 - C/33 | PRERAĐIVAČKA INDUSTRIJA |
| 2. | F/41 - F/43 | GRAĐEVINARSTVO |
| 3. | G/45.20 | Održavanje i popravak motornih vozila |
| 4. | H/49.31 H/49.32 H/49.39 H/49.41 | - Gradski i prigradski kopneni prijevoz putnika; - Taksi služba; - Ostali kopneni prijevoz putnika, d.n.; - Cestovni prijevoz robe; |
| 5. | M/74.10 M/74.20 | - Specijalizirane dizajnerske djelatnosti; - Fotografske djelatnosti; |

| | | |
|----|-------------------------------|--|
| 6. | N/81.22 N/81.30 N/85.53 | - Ostale djelatnosti čišćenja zgrada i objekata; - Uslužne djelatnosti uređenja i održavanja zelenih površina; - Djelatnosti vozačkih škola; |
| 7. | S/95 S/96.01 | - Popravak računara i predmeta za ličnu upotrebu i domaćinstvo; - Pranje i hemijsko čišćenje tekstila i krznenih proizvoda |

- b) da su registrovani do 31.12.2023. godine i imaju sjedište na području Kantona;
- c) da imaju pozitivno poslovanje u 2023. godini;
- d) da imaju najmanje 1 (jednog) zaposlenog na neodređeno vrijeme (uključujući vlasnika);
- e) da osiguraju vlastito učešće u ukupnoj vrijednosti projekta minimalno 50%, osim za šifre djelatnosti 49.32 – Taksi služba i 85.53 – Djelatnosti vozačkih škola gdje je potrebno da podnosilac prijave osigura vlastito učešće u ukupnoj vrijednosti projekta u iznosu od minimalno 25%;
- f) da uredno izmiruju direktne poreze: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale naknade i takse (podnosioci prijave koji imaju sklopljen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- g) da uredno izmiruju indirektne poreze i dadžbine, ukoliko su u sistemu PDV-a;
- h) da nije pokrenut ili okončan postupak gašenja, obustave ili ograničenja poslovne aktivnosti;
- i) da se protiv vlasnika ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH;
- j) da su opravdali sredstva dodijeljena po programima ovog Ministarstva iz prethodne tri godine i izvršili svoju obavezu definisanu u članu 40. stav (7) ovog Programa.

Član 16.

(Minimalan i maksimalan iznos sredstava koji se dodjeljuje)

- (1) Minimalan iznos sredstava koji se može dodijeliti obrtu i srodnoj djelatnosti registrovanim u okviru šifre djelatnosti C (10, 11.07, 13-18, 20.42, 20.53, 23-29, 31-33), od F/41 – F/43, M/74.10 i M/74.20, N/81.22 i N/81.30, S/95 i S/96.01, iznosi **1.500,00 KM**, a maksimalan iznosi **7.000,00 KM**.
Ukupna vrijednost projekta s kojim podnosilac prijave aplicira ne može biti manja od **3.000,00 KM**.
- (2) Minimalan iznos sredstava koji se može dodijeliti za domaću radinost i tradicionalni i stare zanate registrovane u okviru šifre djelatnosti C (10, 11.07, 13-18, 20.42, 20.53, 23-29, 31-33), od F/41 – F/43, M/74.10 i M/74.20, N/81.22 i N/81.30, S/95 i S/96.01, iznosi **1.000,00 KM**, a maksimalan iznosi **4.000,00 KM**.
Ukupna vrijednost projekta s kojim podnosilac prijave aplicira ne može biti manja od **2.000,00 KM**.
- (3) Minimalan iznos sredstava koji se može dodijeliti obrtu i srodnoj djelatnosti registrovanim u okviru šifre djelatnosti 45.20 – Održavanje i popravak motornih vozila, 49.31 – Gradski i prigradski kopneni prijevoz putnika, 49.39 – Ostali kopneni prijevoz

putnika i 49.41 – Cestovni prijevoz robe iznosi **3.000,00 KM**, a maksimalan iznosi **7.000,00 KM**.

Ukupna vrijednost projekta s kojim podnosilac prijave aplicira ne može biti manja od **6.000,00 KM**.

- (4) Minimalan iznos sredstava koji se može dodijeliti obrtu i srodnim djelatnostima registrovanim u okviru šifre djelatnosti 49.32 – Taksi služba i 85.53 – Djelatnosti vozačkih škola iznosi **600,00 KM**, a maksimalan iznosi **1.500,00 KM**.

Ukupna vrijednost projekta s kojim podnosilac prijave aplicira ne može biti manja od **800,00 KM**.

- (5) Ukoliko podnosioci prijave iz stava (1), (2), (3) i (4) ovog člana podnose prijave za učešće na domaćim i međunarodnim sajmovima kao izlagači minimalan iznos sredstava koji im se može dodijeliti iznosi **600,00 KM**, a maksimalan iznosi **2.400,00 KM**.

Ukupna vrijednost projekta s kojim podnosilac prijave aplicira ne može biti manja od **1.200,00 KM**.

Član 17.

(Namjena utroška sredstava i rok za implementaciju)

- (1) Sredstva iz člana 16. stav (1) i (2) ovog Programa namijenjena su za **sufinansiranje prihvatljivih troškova**:

- nabavka mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavka ili izrada digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti,
- tehničko usklađivanje kroz uvođenje modernizacije i inovacije poslovnih procesa – uvođenja sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i certificiranje proizvoda (CE znaka) i stjecanje prava ili obnavljanja upotrebe: ISO, HACCP, HALAL i drugih međunarodnih standarda i
- učešće na domaćim i međunarodnim sajmovima kao izlagači (troškovi zakupa sajamskog prostora, najam, uređenje i vođenje štanda te troškovi izrade i štampanja promotivnih materijala).

- (2) Sredstva iz člana 16. stav (3) i (4) ovog Programa namijenjena su za sufinansiranje prihvatljivih troškova: servisiranje vozila (zamjena ulja i tečnosti za motor, filtera, kočionog sistema, klimatizacije) i nabavku opreme (gume za vozilo: set zimskih i/ili ljetnih guma sa oznakom DOT 24), kao i nabavku opreme za učionice (u okviru šifre djelatnosti 85.53 – Djelatnosti vozačkih škola za one subjekte koji imaju odobrenje za osposobljavanje kandidata za teorijski dio vozačkog ispita) i to: tabla, projektor, laptop, tv, računar te učešće na domaćim i međunarodnim sajmovima kao izlagači (troškovi zakupa sajamskog prostora, najam, uređenje i vođenje štanda, troškovi izrade i štampanja promotivnih materijala).

- (3) Utvrđeni troškovi sufinansiranja iz stava (1) i (2) ovog člana moraju biti **isključivo** namijenjeni djelatnosti koja se obavlja.

- (4) Mašine, postrojenja i oprema koja se nabavlja **ne može biti starija od pet godina** od dana objave Javnog poziva.

- (5) Podnosilac prijave koji pripada djelatnostima navedenom u članu 16. stav (1) i (2) u Prijavnom obrascu može iskazati potrebu za namjenu utroška sredstava za sve tri vrste

sufinansiranja iz stava (1) ovog člana, pri čemu ukupan iznos koji traži od Ministarstva za obrt i srodne djelatnosti može biti maksimalno 7.000,00 KM, a za domaću radinost i tradicionalne i stare zanate može biti maksimalno 4.000,00 KM.

- (6) **Neprihvatljivi troškovi za koje se dodijeljena sredstva ne mogu koristiti su:** nabavka pribora i sitnog inventara, alata (u zavisnosti od vrste djelatnosti: npr. čekić, radne kecelje...), nabavka kancelarijskog namještaja i materijala, nabavka kancelarijske opreme (računari – osim za djelatnost 85.53 – Djelatnosti vozačkih škola, printeri, nabavka softvera koji nije dio projekta, izrada softvera od strane zaposlenika firme, troškovi izrade web stranice), repromaterijal, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, investicije u solarne elektrane, kao i nabavka mašina, postrojenja, usluga i opreme od lica koja nisu registrovana kao poslovni subjekti i koji spadaju u kategoriju povezanih lica sa podnosiocima prijava (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije, krediti, revolving krediti, lizing, gotovinska plaćanja, nastavak realizacije aktivnosti na projektima koji su započeti s implementacijom prije dana objave Javnog poziva po ovom Programu (predračuni, računi i plaćanja starija od dana objave Javnog poziva) i svi ostali troškovi koji nisu u skladu sa namjenom projekta iskazanom u Prijavnom obrascu.
- (7) Kod prijava čiji projekat uključuje i neprihvatljive troškove navedene u Prijavnom obrascu izvršit će se umanjeње ukupne vrijednosti projekta za iznos neprihvatljivih troškova.
- (8) ***Rok za implementaciju projekta je 6 mjeseci od dana potpisivanja Ugovora o dodjeli sredstava.***
- (9) Svako korištenje odobrenih sredstava suprotno namjenama utvrđenim stavom (1) i (2) ovog člana smatrat će se nenamjenskim utroškom.
- (10) Korisnici sredstava po ovom Programu ne mogu prestati sa radom u periodu od minimalno jedne godine, u suprotnom u obavezi su vratiti dodijeljena sredstva u cjelokupnom iznosu. Isto se **ne odnosi** na one Korisnike sredstava kod kojih je prestanak rada uzrokovan teškom bolesti, smrti ili višom silom te u slučaju kada dođe do prestanka obavljanja obrta s ciljem zatvaranja istog kako bi se registrovao drugi poslovni subjekt koji će se baviti istom djelatnosti i imati istog vlasnika.

Član 18.

(Kriteriji za odabir korisnika)

| Rb | Kriterij | Uslovi | Broj bodova | Izvor verifikacije (dostavljena dokumentacija) |
|----|-------------------|----------------------|-------------|---|
| 1. | Broj zaposlenih | Jedan zaposlen | 1 | Lista osiguranih lica izdana od strane Porezne uprave |
| | | 2 i više zaposlenih | 3 | |
| 2. | Vrsta djelatnosti | Proizvodna | 3 | Obavijest o razvrstavanju subjekata prema djelatnosti usklađeno sa KD 2010 (Zavod |
| | | Proizvodno – uslužna | 2 | |

| | | | | |
|----|--|--|----|---|
| | | Uslužna | 1 | za statistiku Federacije BiH) |
| 3. | Ukupan broj zaposlenih iz ciljnih skupina – žene, mladi do 38 godina i osobe sa invaliditetom | Žene | 2 | Izjava podnosioca prijave o pripadnosti uposlenika sa liste osiguranih o pripadnosti ciljnim skupinama |
| | | Mladi do 38 god. | 2 | |
| | | Osobe sa invaliditetom | 2 | |
| 4. | Vlastito učešće u ukupnoj vrijednosti projekta – obrt, srodne djelatnosti (minimalno 50%) | 71% i više | 3 | Izjava o vlastitom učešću finansijskih sredstava za realizaciju Projekta |
| | | 61% - 70% | 2 | |
| | | 50% - 60% | 1 | |
| 5. | Vlastito učešće u ukupnoj vrijednosti projekta – djelatnosti 49.32 – Taksi služba i 85.53 – Djelatnosti vozačkih škola (minimalno 25%) | 61% i više | 3 | Izjava o vlastitom učešću finansijskih sredstava za realizaciju Projekta |
| | | 26 – 60% | 2 | |
| | | 25% | 1 | |
| 6. | Poslovanje subjekta male privrede u jedinicama lokalne samouprave | Izrazito nerazvijene JLS | 3 | Uredba o izradi indeksa razvijenosti u Federaciji BiH (Federalni Zavod za programiranje razvoja) |
| | | Nerazvijene JLS | 2 | |
| | | Razvijene JLS | 1 | |
| 7. | Korisnik Poticaja Ministarstva privrede u prethodne tri godine (od 2021. do 2023. godine) | Korisnik poticaja Ministarstva prethodne tri godine | 0 | Službena evidencija Ministarstva |
| | | Korisnik poticaja Ministarstva dvije od prethodne tri godine | 5 | |
| | | Nije bio korisnik poticaja Ministarstva u prethodne tri godine | 10 | |
| 8. | Vlasnik ili direktor iz ciljnih skupina – žene, mladi do 38 godina i osobe sa invaliditetom | Žene | 2 | Potvrda o prebivalištu vlasnika ili direktora podnosioca prijave, Uvjerenje/Rješenje o invalidnosti ukoliko vlasnik ili direktor pripadaju navedenoj kategoriji |
| | | Mladi do 38 godina | 2 | |
| | | Osobe sa invaliditetom | 2 | |

Član 19.

(Način prijave i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljnjem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca (**Aneks I – koji je sastavni dio ovog Programa**) koji se preuzima sa web stranice Vlade Kantona. Potpisom na Prijavnom obrascu, podnosilac prijave čiji je projektni prijedlog odabran za finansiranje, izražava svoju saglasnost na uslove Ugovora.
- (3) Uz Prijavni obrazac potrebno je dostaviti sljedeću dokumentaciju:
 - a) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi minimalno 50%) – za šifre djelatnosti C (10, 11.07, 13-18, 20.42, 20.53, 23-29, 31-33), od F/41 – F/43, M/74.10 i M/74.20, N/81.22 i N/81.30, S/95 i S/96.01, te šifre djelatnosti 45.20 – Održavanje i popravak motornih vozila, 49.31 – Gradski i prigradski kopneni prijevoz putnika, 49.39 – Ostali kopneni prijevoz putnika i 49.41 – Cestovni prijevoz robe – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks II – koji je sastavni dio ovog Programa**);
 - b) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi minimalno 25%) – za šifre djelatnosti 49.32 – Taksi služba i 85.53 – Djelatnosti vozačkih škola – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks III – koji je sastavni dio ovog Programa**);
 - c) Rješenje o registraciji od nadležnog gradskog/općinskog organa iz kojeg se može pouzdano utvrditi da se navedena djelatnost obavlja kao osnovno ili dodatno zanimanje (ovjera ne starija od 3 mjeseca od dana objave Javnog poziva);
 - d) ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - e) ovjerena kopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD BiH 2010 (Federalni zavod za statistiku) (ovjera ne starija od 3 mjeseca od dana objave Javnog poziva);
 - f) original ili ovjerena kopija Uvjerenja od Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i poreza na dohodak, kao i ostalih naknada i taksu (ne starija od 3 mjeseca od dana objave Javnog poziva);
 - g) original ili ovjerena kopija Uvjerenja o urednom izmirenju indirektnih poreza i dadžbina od Uprave za indirektno oporezivanje (ukoliko je u sistemu PDV-a) (ne starija od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave;
 - h) original ili ovjerena kopija Liste osiguranika izdana od strane Porezne uprave (ne starija od 30 dana od dana objave Javnog poziva);
 - i) kopija Specifikacije za utvrđivanje dohotka od samostalne djelatnosti (Obrazac SPR-1053) za 2023. godinu (sa pečatom prijema Porezne uprave ili šifrom DLN) ili Rješenje o paušalnom plaćanju poreza ili Uvjerenje Porezne uprave da je podnosilac

prijave obveznik plaćanja poreza na dohodak od samostalne djelatnosti u paušalnom iznosu;

- j) original ili ovjerena kopija potvrde općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti (ne starija od 3 mjeseca od dana objave Javnog poziva);
 - k) Izjava podnosioca prijave o pripadnosti/nepripadnosti uposlenika sa liste osiguranika o ciljnim skupinama (žene, mladi do 38 godina i osobe sa invaliditetom), potpisana i ovjerena od strane podnosioca prijave (**Aneks IV – koji je sastavni dio ovog Programa**);
 - l) kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda);
 - m) original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijava (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije).
- Dostavljena ponuda ili predračun ne mogu biti stariji od dana objave Javnog poziva;**
- n) Izjava da se protiv lica ovlaštenog za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe, ovjerena i od strane nadležnog gradskog/općinskog organa ili notara (**Aneks V – koji je sastavni dio ovog Programa**);
 - o) Potvrda o prebivalištu vlasnika ili direktora podnosioca prijave (original ili ovjerena kopija – ne stariji od 30 dana od dana objave Javnog poziva)
 - p) Rješenje o invalidnosti ukoliko vlasnik ili direktor pripadaju navedenoj kategoriji (original ili ovjerena kopija – ovjera ne starija od 3 mjeseca od dana objave Javnog poziva);
 - q) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona) (**Aneks VI – koji je sastavni dio ovog Programa**);
- (4) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.
- (5) Podnosioci prijava mogu podnijeti samo jednu prijavu po jednoj mjeri iz ovog Programa i isti nemaju pravo apliciranja na Javni poziv ovog Ministarstva po Programu poticaja razvoja turizma za 2024. godinu. U slučaju više prijava istog podnosioca, sve prijave će biti odbačene kao neosnovane i neće biti predmet daljeg razmatranja.

POGLAVLJE IV. PODRŠKA NOVOOSNOVANIM SUBJEKTIMA MALE PRIVREDE

Član 20.

(Predmet mjere)

Predmet mjere je prikupljanje prijava subjekata male privrede definisanih Zakonom o poticaju razvoja male privrede, s ciljem povećanja broja novoosnovanih subjekata male privrede, za refundiranje i sufinansiranje prihvatljivih troškova taksativno navedenih u članu 25. ovog Programa.

Član 21.

(Sredstva za implementaciju)

Sredstva za implementaciju ove mjere obezbjeđena su u Budžetu Ministarstva na ekonomskom kodu 614500 FAP002 – „Subvencije privatnim preduzećima i poduzetnicima“ u ukupnom iznosu od **250.000,00 KM**.

Član 22.

(Pravo učešća)

- (1) Pravo učešća imaju novoosnovani subjekti male privrede definisani Zakonom o poticaju razvoja male privrede, registrovani od 1.1.2024. godine do dana objave Javnog poziva.
- (2) Pravo učešća nemaju subjekti male privrede čija djelatnost se odnosi na: proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću, trgovinu na veliko i malo (osim šifre djelatnosti 45.20 – Održavanje i popravak motornih vozila), finansijske djelatnosti i djelatnosti osiguranja, poslovanje nekretninama, administrativne i pomoćne uslužne djelatnosti (oblast 77, 78, 80).

Član 23.

(Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede definisani u članu 22. stav (1) koji ispunjavaju sljedeće uslove:

- a) da su registrovani i imaju sjedište na području Kantona;
- b) čija se djelatnost odnosi na proizvodnu, proizvodno – uslužnu i uslužnu djelatnost;
- c) da upošljavaju minimalno 1 (jednog) radnika (uključujući vlasnika) na neodređeno vrijeme sa danom objave Javnog poziva;
- d) da vlastito učešće u ukupnoj vrijednosti projekta iznosi minimalno 10%;
- e) da uredno izmiruju direktne poreze: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale naknade i takse (izuzev onih koji posluju manje od mjesec dana);
- f) da uredno izmiruju indirektne poreze i dadžbine, ukoliko su u sistemu PDV-a (izuzev onih koji posluju manje od mjesec dana);
- g) da do dana podnošenja prijave nisu koristili poticajna sredstva iz Budžeta Federacije BiH, Kantona ili jedinica lokalne samouprave za istu namjenu za koju su podnijeli prijavu.

Član 24.

(Minimalan i maksimalan iznos sredstava koji se dodjeljuje)

- (1) Minimalan iznos sredstava koji se može dodijeliti fizičkom licu iznosi **1.800,00 KM**, a maksimalan iznosi **7.000,00 KM**, s tim da se za troškove registracije (isključivo kod refundiranja troškova) dodjeljuje fiksni iznos od **500,00 KM**. Ukupna vrijednost projekta s kojim podnositelj prijave aplicira ne može biti manja od **2.000,00 KM**;
- (2) Minimalan iznos sredstava koji se može dodijeliti pravnom licu iznosi **2.700,00 KM**, a maksimalan iznosi **10.000,00 KM**, s tim da se za troškove registracije (isključivo kod refundiranja troškova) dodjeljuje fiksni iznos od **1.500,00 KM**. Ukupna vrijednost projekta s kojim podnositelj prijave aplicira ne može biti manja od **3.000,00 KM**;
- (3) Troškovi registracije uključeni su u maksimalan iznos sredstava koji se odobravaju po jednom korisniku.
- (4) Relevantan i prihvatljiv dokaz o namjenskom utrošku sredstava utvrđenih u stavu (1) i (2) ovog člana za troškova registracije predstavlja Rješenje o registraciji od nadležnog gradskog/općinskog organa, odnosno aktualan izvod iz sudskog registra.

Član 25.

(Namjena utroška sredstava i rok za implementaciju)

- (1) Sredstva iz člana 21. ovog Programa namijenjena su za:
 - a) **refundiranje prihvatljivih troškova:** troškova registracije i troškova nabavke mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavke ili izrade digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti, nastalih od 1.1.2024. godine do dana objave Javnog poziva i
 - b) **sufinansiranje prihvatljivih troškova:**
 - nabavka mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavka ili izrada digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti,
 - tehničko usklađivanje kroz uvođenje modernizacije i inovacije poslovnih procesa – uvođenja sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i certificiranje proizvoda (CE znaka) i stjecanje prava ili obnavljanja upotrebe: ISO, HACCP, HALAL i drugih međunarodnih standarda i
 - učešće na domaćim i međunarodnim sajmovima kao izlagači (troškovi zakupa sajamskog prostora, najam, uređenje i vođenje štanda te troškovi izrade i štampanja promotivnih materijala).
- (2) Podnositelj prijave je obavezan osigurati vlastito učešće u ukupnoj vrijednosti projekta minimalno 10%;
- (3) **Rok za implementaciju projekta je 6 mjeseci od dana potpisivanja Ugovora o dodjeli sredstava.**
- (4) **Neprihvatljivi troškovi za koje se dodijeljena sredstva ne mogu koristiti su:** nabavka pribora i sitnog inventara, alata (u zavisnosti od vrste djelatnosti: npr. čekić, radne

kecelje...), nabavka kancelarijskog namještaja i materijala, nabavka kancelarijske opreme (računari – osim za djelatnost 85.53 – Djelatnosti vozačkih škola, printeri, nabavka softvera koji nije dio projekta, izrada softvera od strane zaposlenika firme, troškovi izrade web stranice), repromaterijal, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, investicije u solarne elektrane, kao i nabavka mašina, postrojenja, usluga i opreme od lica koja nisu registrovana kao poslovni subjekti i koji spadaju u kategoriju povezanih lica sa podnosiocima prijava (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije, krediti, revolving krediti, lizing, gotovinska plaćanja, nastavak realizacije aktivnosti na projektima koji su započeti s implementacijom prije 1.1.2024. godine (predračuni, računi i plaćanja starija od 1.1.2024. godine) i svi ostali troškovi koji nisu u skladu sa namjenom projekta iskazanom u Prijavnom obrascu.

- (5) Mašine, postrojenja i oprema koja se nabavlja **ne može biti starija od pet godina** od dana objave Javnog poziva.
- (6) Svako korištenje odobrenih sredstava suprotno namjenama utvrđenim stavom (1) ovog člana smatrat će se nenamjenskim utroškom.
- (7) Korisnici koji dobiju sredstava od Ministarstva po predmetnom Programu ne mogu prestati sa radom u periodu od minimalno jedne godine, u suprotnom u obavezi su vratiti dodijeljena sredstva u cjelokupnom iznosu. Isto se **ne odnosi** na fizička lica koja su registrovana kod nadležnog organa bez obzira na oblik organizovanja, kod kojih je prestanak rada uzrokovan teškom bolesti, smrti ili višom silom te u slučaju kada dođe do prestanka obavljanja djelatnosti subjekta male privrede s ciljem zatvaranja iste kako bi se registrovao drugi subjekt male privrede koji će se baviti istom djelatnosti i imati istog vlasnika.

Član 26.

(Kriteriji za odabir korisnika)

| RB | Kriterij | Uslovi | Broj bodova | Izvor verifikacije (dostavljena dokumentacija) |
|----|--|----------------------|-------------|---|
| 1. | Broj zaposlenih | 1 zaposlen | 1 | Lista osiguranih lica izdana od strane Porezne uprave |
| | | 2 i više zaposlenih | 3 | |
| 2. | Vrsta djelatnosti | Proizvodna | 3 | Obavijest o razvrstavanju subjekata prema djelatnosti usklađeni sa KD 2010 (Zavod za statistiku Federacije BiH) |
| | | Proizvodno – uslužna | 2 | |
| | | Uslužna | 1 | |
| 3. | Vlastito učešće u ukupnoj vrijednosti projekta (minimalno 10%) | 61% i više | 3 | Izjava o vlastitom učešću finansijskih sredstava za realizaciju Projekta |
| | | 21% - 60% | 2 | |
| | | 10% - 20% | 1 | |

| | | | | |
|----|---|--------------------------|---|---|
| 4. | Ukupan broj zaposlenih iz ciljnih skupina – žene, mladi do 38 godina i osobe sa invaliditetom | Žene | 2 | Izjava podnosioca prijave o pripadnosti uposlenika sa liste osiguranih o pripadnosti ciljnim skupinama |
| | | Mladi od 38 godina | 2 | |
| | | Osobe sa invaliditetom | 2 | |
| 5. | Poslovanje subjekta male privrede u jedinicama lokalne samouprave | Izrazito nerazvijene JLS | 3 | Uredba o izradi indeksa razvijenosti u Federaciji BiH (Federalni Zavod za programiranje razvoja) |
| | | Nerazvijene JLS | 2 | |
| | | Razvijene JLS | 1 | |
| 6. | Vlasnik ili direktor iz ciljnih skupina – žene, mladi do 38 godina i osobe sa invaliditetom | Žene | 2 | Potvrda o prebivalištu vlasnika ili direktora podnosioca prijave, Uvjerenje/Rješenje o invalidnosti ukoliko vlasnik ili direktor pripadaju navedenoj kategoriji |
| | | Mladi do 38 godina | 2 | |
| | | Osobe sa invaliditetom | 2 | |

Član 27.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljnjem tekstu: Vlada Kantona): www.vladausk.ba;
- (2) Prijava na Javni poziv se vrši putem Prijavnog obrasca (**Aneks I – koji je sastavni dio ovog Programa**) koji se preuzima sa web stranice Vlade Kantona. Potpisom na Prijavnom obrascu, podnosilac prijave čiji je projektni prijedlog odabran za finansiranje, izražava svoju saglasnost na uslove Ugovora;
- (3) Uz Prijavni obrazac potrebno je dostaviti sljedeću dokumentaciju:
 - a) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi minimalno 10% – propisana i dostupna na web stranici Vlade Kantona), ovjerena pečatom podnosioca prijave i potpisana od strane ovlaštene osobe (**Aneks II – koji je sastavni dio ovog Programa**);
 - b) original aktualnog izvoda iz sudskog registra ne starijeg od 3 mjeseca od dana objave Javnog poziva ili ovjerena kopija istog – odnosi se na pravna lica;
 - c) Rješenje o registraciji od nadležnog gradskog/općinskog organa (ovjera ne starija od 3 mjeseca od dana objave Javnog poziva) – odnosi se na fizička lica;
 - d) ovjerena fotokopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - e) ovjerena fotokopija Obavijesti o razvrstavanju subjekta prema djelatnosti usklađeno sa klasifikacijom djelatnosti KD 2010 (Zavod za statistiku Federacije BiH) (ovjera ne starija od 3 mjeseca od dana objave Javnog poziva);
 - f) original ili ovjerena kopija Uvjerenja od Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i poreza na dohodak, kao i ostalih naknada i taksu (ne starija od 3 mjeseca od dana objave Javnog poziva – osim onih koji posluju manje od mjesec dana);

- g) original ili ovjerena kopija Uvjerenja o urednom izmirenju indirektnih poreza i dadžbina od Uprave za indirektno oporezivanje (ukoliko je u sistemu PDV-a) (ne starija od 3 mjeseca od dana objave Javnog poziva - osim onih koji posluju manje od mjesec dana) ili Izjava podnosioca prijave da isti nije u sistemu PDV-a, potpisana i ovjerena od strane podnosioca prijave – osim za one koji posluju manje od mjesec dana;
- h) original ili ovjerena fotokopija Liste osiguranika izdana od strane Porezne uprave ne starija od 30 dana od dana objave Javnog poziva;
- i) Izjava podnosioca prijave o pripadnosti/nepripadnosti uposlenika sa liste osiguranika o ciljnim skupinama (žene, mladi do 38 godina i osobe sa invaliditetom), potpisana i ovjerena od strane podnosioca (**Aneks III – koji je sastavni dio ovog Programa**);
- j) fotokopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda);
- k) **Za refundiranje:**
- Original ili ovjerena kopija računa uz obavezni fiskalni račun (ukoliko je izdavalac računa obveznik izdavanja fiskalnog računa), ne starijeg od 1.1.2024. godine, izdati od odgovarajućeg poslovnog subjekta koji ne spada u kategoriju povezanih lica sa podnosiocem prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), kao dokaz troškova nabavke mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavke ili izrade digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti,
 - izvod iz banke o izvršenom plaćanju (podnosilac prijave ovjerava potpisom ovlaštenog lica i pečatom podnosioca prijave),
 - fotodokumentacija nabavljenog (podrazumijeva uslikati svaku nabavljenu stavku po dostavljenim računima – printana u boji na A4 papir – ovjerena na poledini sa pečatom firme),
 - pravdanje dijela sredstava koja se odnose na refundaciju troškova smatra se konačnim dostavljanjem dokumentacije tražene pri prijavi na Javni poziv za ovu kategoriju troškova i uključuje samo one troškove koji su kao takvi evidentirani u Ugovoru o dodjeli sredstava koji podnosilac prijave zaključuje s ovim Ministarstvom. Ovo Ministarstvo neće prihvatiti naknadne zahtjeve za refundaciju troškova.
- l) **Za sufinansiranje:**
- original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke

- investicije). Dostavljena ponuda ili predračun za troškove sufinansiranja ne mogu biti stariji od dana objave Javnog poziva;
- m) Izjava podnosioca prijave da nisu korištena poticajna sredstva iz Budžeta Federacije BiH, Kantona, jedinica lokalne samouprave za istu namjenu za koju se podnosi prijava, potpisana i ovjerena pečatom podnosioca prijave (dostupna na web stranici Vlade Kantona) (**Aneks IV – koji je sastavni dio ovog Programa**);
 - n) Potvrda o prebivalištu vlasnika ili direktora podnosioca prijave (original ili ovjerena kopija – ne stariji od 30 dana od dana objave Javnog poziva);
 - o) Uvjerenje/Rješenje o invalidnosti ukoliko vlasnik ili direktor pripadaju navedenoj kategoriji (original ili ovjerena kopija – ovjera ne starija od 3 mjeseca od dana objave Javnog poziva);
 - p) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona) (**Aneks V – koji je sastavni dio ovog Programa**).
- (4) Kod prijava čiji projekat uključuje i neprihvatljive troškove navedene u Prijavnom obrascu izvršit će se umanjenje ukupne vrijednosti projekta za iznos neprihvatljivih troškova.
- Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.
- (5) Podnosioci prijava mogu podnijeti samo jednu prijavu po jednoj mjeri iz ovog Programa i isti nemaju pravo apliciranja na Javni poziv ovog Ministarstva po Programu poticaja razvoja turizma za 2024. godinu. U slučaju više prijava istog podnosioca, sve prijave će biti odbačene kao neosnovane i neće biti predmet daljeg razmatranja.

POGLAVLJE V. PODRŠKA POKRETANJU VLASTITOG BIZNISA – START UP

Član 28.

(Predmet mjere)

Predmet mjere je prikupljanje prijava punoljetnih fizičkih lica koja imaju poduzetnički duh, s inovativnim i provedivim poslovnim idejama za pokretanje vlastitog biznisa. Mjerom se pruža podrška, odnosno finansijski poticaj za pokretanje vlastitog biznisa – start up poslovnog subjekta u skladu sa prihvaćenim biznis planom usklađenim sa ekonomskim standardima, s ciljem smanjenja stope nezaposlenosti u Kantonu, povećanja broja subjekata male privrede, održivog razvoja i implementacije aktivnosti koje doprinose realizaciji mjera predviđenih Strategijom razvoja Unsko-sanskog kantona 2021.-2027.

Član 29.

(Sredstva za implementaciju)

Sredstva za implementaciju ove mjere obezbijedena su u Budžetu Ministarstva na ekonomskom kodu 614500 FAP002 – „Subvencije privatnim preduzećima i poduzetnicima“ u ukupnom iznosu od **250.000,00 KM**.

Član 30.
(Pravo učešća)

Pravo učešća imaju punoljetna lica sa prebivalištem na području Unsko-sanskog kantona, a koja imaju poslovnu ideju za samozapošljavanje i samostalni početak biznisa razrađenu kroz biznis plan i koja imaju namjeru registrovati firmu te da poslovna ideja (uobličena i razvijena u dostavljenom biznis planu) jeste aktivnost koja se može registrovati kao osnovna ili dodatna djelatnost prema klasifikaciji djelatnosti KD BiH 2010 u okviru proizvodne, proizvodno-uslužne i uslužne djelatnosti, **izuzev** djelatnosti koje se odnose na: proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću, trgovinu na veliko i malo (osim šifre djelatnosti 45.20 – Održavanje i popravak motornih vozila), finansijske djelatnosti i djelatnosti osiguranja, poslovanje nekretninama, administrativne i pomoćne uslužne djelatnosti (oblast 77, 78, 80).

Član 31.
(Uslovi za dodjelu sredstava)

Pravo na dodjelu poticajnih sredstava imaju lica definisana u članu 28. koja ispunjavaju sljedeće uslove:

- a) da imaju prebivalište na području Kantona;
- b) da su punoljetni;
- c) da su dostavili ispravno popunjen Prijavni obrazac;
- d) da su dostavili Biznis plan na propisanom obrascu;
- e) da imaju namjeru da se bave vlastitim biznisom i da su spremni registrovati firmu u svom stopostotnom vlasništvu u slučaju da budu odabrani podnosioci prijave;
- f) da do dana podnošenja prijave nisu koristili poticajna sredstva koja potiču iz Budžeta Federacije BiH, Kantona, jedinica lokalne samouprave za istu namjenu za koju se podnosi prijava;
- g) da su spremni osigurati vlastito sufinansiranje od minimalno 10% od ukupne vrijednosti projekta;

Član 32.

(Minimalan i maksimalan iznos sredstava koji se dodjeljuje)

- (1) Minimalan iznos sredstava koji se može dodijeliti fizičkom licu iznosi 1.800,00 KM, a maksimalan iznosi 6.000,00 KM, s tim da se za troškove registracije (isključivo kod refundiranja troškova) dodjeljuje fiksni iznos od **500,00 KM**. Ukupna vrijednost projekta s kojim podnosilac prijave aplicira ne može biti manja od 2.000,00 KM;
- (2) Minimalan iznos sredstava koji se može dodijeliti pravnom licu iznosi 2.700,00 KM, a maksimalan iznosi 10.000,00 KM, s tim da se za troškove registracije (isključivo kod refundiranja troškova) dodjeljuje fiksni iznos od **1.500,00 KM**. Ukupna vrijednost projekta s kojim podnosilac prijave aplicira ne može biti manja od 3.000,00 KM;

Član 33.

(Namjena utroška sredstava i rok za implementaciju)

(1) Sredstva iz člana 32. ovog Programa namijenjena su za:

- a) **refundiranje prihvatljivih troškova:** troškova registracije i troškova nabavke mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavke ili izrade digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti, nastalih od dana objave Javnog poziva do potpisivanja Ugovora o dodjeli sredstava i
- b) **sufinansiranje prihvatljivih troškova:**
 - nabavka mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavka ili izrada digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti,
 - tehničko usklađivanje kroz uvođenje modernizacije i inovacije poslovnih procesa – uvođenja sistema međunarodnih standarda kvalitete kroz odgovarajuće konsultantske usluge i edukacije za certificiranje sistema i certificiranje proizvoda (CE znaka) i stjecanje prava ili obnavljanja upotrebe: ISO, HACCP, HALAL i drugih međunarodnih standarda i
 - učešće na domaćim i međunarodnim sajmovima kao izlagači (troškovi zakupa sajamskog prostora, najam, uređenje i vođenje štanda te troškovi izrade i štampanja promotivnih materijala).

(2) **Neprihvatljivi troškovi za koje se dodijeljena sredstva ne mogu koristiti su:** osnivački kapital, nabavka pribora i sitnog inventara, alata (u zavisnosti od vrste djelatnosti: npr. čekić, radne kecelje, ...), nabavka kancelarijskog namještaja i materijala, nabavka kancelarijske opreme (računari – osim za djelatnost 85.53 – Djelatnosti vozačkih škola, printeri, nabavka softvera koji nije dio projekta, izrada softvera od strane zaposlenika firme, troškovi izrade web stranice), repromaterijal, police osiguranja imovine i ljudi, kupovina i iznajmljivanje objekata, zemljišta, troškovi režija i održavanja, repromaterijal, ugradnja stolarije, podizanje krovnih konstrukcija, vanjski građevinski radovi, nabavka svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, investicije u solarne elektrane, kao i nabavka mašina, postrojenja, usluga i opreme od lica koja nisu registrovana kao poslovni subjekti i koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije, krediti, revolving krediti, lizing, gotovinska plaćanja, nastavak realizacije aktivnosti na projektima koji su započeti s implementacijom prije dana objave Javnog poziva po ovom Programu (predračuni, računi i plaćanja starija od dana objave Javnog poziva) i svi ostali troškovi koji nisu u skladu sa namjenom projekta iskazanom u Prijavnom obrascu.

(3) Bespovratna sredstva mogu se koristiti samo za one prihvatljive troškove koji su nastali u ime i za račun poslovnog subjekta u stopostotnom vlasništvu odabranog

podnosioca prijave nakon objave Javnog poziva – refundacija, odnosno nakon potpisivanja Ugovora o dodjeli sredstava – sufinansiranje.

- (4) Korisnik poticajnih sredstava ima obavezu, da u roku od 60 dana od dana objave Preliminarne rang liste, dostavi dokaz o registraciji poslovnog subjekta koji ne može biti stariji od dana objave Javnog poziva.
- (5) **Rok za implementaciju projekta je 6 mjeseci od dana potpisivanja Ugovora o dodjeli sredstava.**
- (6) Mašine, postrojenja i oprema koja se nabavlja **ne može biti starija od pet godina** od dana objave Javnog poziva.
- (7) Svako korištenje odobrenih sredstava suprotno namjenama utvrđenim u stavu (1) ovog člana smatrat će se nenamjenskim utroškom.
- (8) Korisnici sredstava koji zaključe Ugovor o dodjeli sredstava s Ministarstvom po predmetnoj mjeri ne mogu prestati sa radom u periodu od minimalno jedne godine od dana potpisivanja Ugovora o dodjeli sredstava, u suprotnom u obavezi su vratiti dodijeljena sredstva u cjelokupnom iznosu. Isto se **ne odnosi** na fizička lica koja su registrovana kod nadležnog organa, bez obzira na oblik organizovanja, kod kojih je prestanak rada uzrokovan teškom bolesti, smrti ili višom silom te u slučaju kada dođe do prestanka obavljanja djelatnosti subjekta male privrede s ciljem zatvaranja iste kako bi se registrovao drugi subjekt male privrede koji će se baviti istom djelatnosti i imati istog vlasnika.

Član 34.

(Kriteriji za odabir korisnika)

| RB | Kriterij | Uslovi | Broj bodova | Izvor verifikacije (dostavljena dokumentacija) |
|----|--|--------------------------|-------------|--|
| 1. | Vrsta djelatnosti koja se planira registrirati | Proizvodna | 3 | Prijavni obrazac |
| | | Proizvodno – uslužna | 2 | |
| | | Uslužna | 1 | |
| 2. | Vlastito učešće u ukupnoj vrijednosti projekta (minimalno 10%) | 61% - 90% | 3 | Izjava o vlastitom učešću finansijskih sredstava za realizaciju Projekta |
| | | 21% - 60% | 2 | |
| | | 10% - 20% | 1 | |
| 3. | Podnosilac prijave: žena ili mladi do 38 godina ili osoba sa invaliditetom | Žene | 2 | Potvrda o prebivalištu podnosioca prijave, Uvjerenje / Rješenje o invalidnosti ukoliko podnosilac prijave pripada navedenoj kategoriji |
| | | Mlađi od 38 godina | 2 | |
| | | Osobe sa invaliditetom | 2 | |
| 4. | Poslovanje budućeg subjekta male privrede u jedinicama lokalne samouprave | Izrazito nerazvijene JLS | 3 | Uredba o izradi indeksa razvijenosti u Federaciji BiH (Federalni Zavod za programiranje razvoja) |
| | | Nerazvijene JLS | 2 | |
| | | Razvijene JLS | 1 | |

Član 35.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama „Krajina“ i na web stranici Vlade Unsko-sanskog kantona (u daljnjem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca (**Aneks I – koji je sastavni dio ovog Programa**) koji se preuzima sa web stranice Vlade Kantona. Potpisom na Prijavnom obrascu podnosilac prijave, čiji je projektni prijedlog odabran za finansiranje, izražava svoju saglasnost na uslove Ugovora.
- (3) Uz Prijavni obrazac potrebno je dostaviti sljedeću dokumentaciju:
 - a) Biznis plan potpisan od strane podnosioca prijave (**Aneks II – koji je sastavni dio ovog Programa**);
 - b) Potvrda o prebivalištu podnosioca prijave (original ili ovjerena kopija – ne stariji od 30 dana od dana objave Javnog poziva);
 - c) Uvjerenje/Rješenje o invalidnosti ukoliko podnosilac prijave pripada navedenoj kategoriji (ovjerena kopija – ovjera ne starija od 3 mjeseca od dana objave Javnog poziva);
 - d) Izjava podnosioca prijave da nisu korištena poticajna sredstva iz Budžeta Federacije BiH, Kantona, jedinica lokalne samouprave za istu namjenu za koju se podnosi prijava, potpisana od strane podnosioca prijave, dostupna na web stranici Vlade Kantona – (**Aneks III – koji je sastavni dio ovog Programa**);
 - e) Izjava podnosioca prijave o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi minimalno 10%) – propisana i dostupna na web stranici Vlade Kantona, potpisana od podnosioca prijave (**Aneks IV – koji je sastavni dio ovog Programa**).
- (4) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži stavom (3) ovog člana.
- (5) **Odabrani podnosioci prijave prije zaključivanja Ugovora o dodjeli sredstava imaju obavezu registracije firme u njihovom stopostotnom vlasništvu** u roku definisanom u članu 33. stav (4). Ministarstvo će sa ovim poslovnim subjektima – zaključiti ugovore tek nakon što isti dostave cjelokupnu dokumentaciju potrebnu za zaključivanje ugovora o dodjeli poticajnih sredstava, koja **uključuje**:
 - a) ovjerena kopija Rješenja o registraciji poslovnog subjekta od nadležnog gradskog/općinskog organa ili suda;
 - b) ovjerena kopija Uvjerenja o registraciji poreznog obveznika (ID broj);
 - c) ovjerena kopija Obavijesti o razvrstavanju subjekta prema djelatnosti (izdato od Zavoda za statistiku Federacije BiH);
 - d) ovjerena kopija ugovora o transakcijskom računu, zaključenog između poslovne banke i poslovnog subjekta koji je predmet prijave na Javni poziv;
 - e) ovjerena kopija obrasca JS 3100 s prijemnim pečatom Porezne uprave (prijava osiguranja odabranog podnosioca prijave zaposlenog u poslovnom subjektu, kao korisniku sredstava, koji je u njegovom stopostotnom vlasništvu);
 - f) **Za refundiranje:**

- original ili ovjerena kopija računa na ime poslovnog subjekta u stopostotnom vlasništvu odabranog podnosioca prijave uz obavezni fiskalni račun (ukoliko je izdavalac računa obveznik izdavanja fiskalnog računa), ne starijeg od dana objave Javnog poziva, izdati od odgovarajućeg poslovnog subjekta koji ne spadaju u kategoriju povezanih lica sa podnosiocem prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), kao dokaz troškova nabavke mašina, proizvodnih linija, uređaja, opreme (uključujući zavisne troškove: transportni troškovi, troškovi špedicije, carinjenja, montaže, itd.), nabavke ili izrade digitalnih rješenja u cilju automatizacije poslovnih procesa (softver i hardver), a sve u funkciji osnovne djelatnosti,
- Izvod iz banke o izvršenom plaćanju (podnosilac prijave ovjerava potpisom ovlaštenog lica i pečatom podnosioca prijave),
- fotodokumentacija nabavljenog (podrazumijeva uslikati svaku nabavljenu stavku po dostavljenim računima – printana u boji na A4 papir – ovjerena na poledini sa pečatom firme);

g) Za sufinansiranje:

- Original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava koje pripadaju prihvatljivim troškovima definisanim u članu 33. stav (2). Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije). Dostavljena ponuda ili predračun za troškove sufinansiranja ne mogu biti stariji od dana objave Javnog poziva.
- (6) Ugovor o dodjeli sredstava sa odabranim podnosiocima prijave će se zaključiti u roku definisanom u članu 35. stav (5), a najkasnije do 30.12.2024. godine.
- (7) Kod prijave čiji projekat uključuje i neprihvatljive troškove navedene u Prijavnom obrascu izvršit će se umanjenje ukupne vrijednosti projekta za iznos neprihvatljivih troškova.

POGLAVLJE VI. PODNOŠENJE PRIJAVA, OBRADA PRIJAVA I IZVJEŠTAVANJE O UTROŠKU SREDSTAVA

Član 36.

(Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

**Ministarstvo privrede Unsko-sanskog kantona, Ulica Alije Đerzeleza 2, 77 000 Bihać,
s naznakom**

Prijava po Javnom pozivu
„Jačanje konkurentnosti subjekata male privrede – pravna lica“
„NE OTVARAJ“

Prijava po Javnom pozivu
„Poticaj obrtima“
„NE OTVARAJ“

Prijava po Javnom pozivu
„Podrška novoosnovanim subjektima male privrede“
„NE OTVARAJ“

Prijava po Javnom pozivu
„ Podrška pokretanju vlastitog biznisa – START UP“
„NE OTVARAJ“

Na poledini koverta navesti naziv podnosioca prijave i adresu.

- (2) Rok za podnošenje prijave je **30 (trideset) dana** od dana objave Javnog poziva.
- (3) Neblagovremene prijave, koje su dostavljene nakon isteka roka određenog Javnim pozivom, neće se uzeti u razmatranje i iste se ne vraćaju podnosiocima prijave.

Član 37.

(Obrada prijava i izbor korisnika)

- (1) Za razmatranje prijava po Javnom pozivu za odabir korisnika sredstava po Programu poticaja razvoja male privrede za 2024. godinu: „Jačanje konkurentnosti subjekata male privrede – pravna lica“, „Poticaj obrtima“, „Podrška novoosnovanim subjektima male privrede“ i „Podrška pokretanju vlastitog biznisa – START UP“, ministar Ministarstva privrede (u daljnjem tekstu: ministar) Rješenjem imenuje Komisiju. Komisija se može imenovati za svaku mjeru posebno.
- (2) Komisija ima zadatak da, u skladu sa kriterijima i procedurama utvrđenim ovim Programom, Javnim pozivom i Pravilnikom o postupcima u provođenju Programa poticaja razvoja male privrede za 2024. godinu, izvrši evaluaciju i bodovanje, sačini Preliminarnu rang listu korisnika sredstava i listu subjekata male privrede čije su prijave neblagovremene, nepotpune i neosnovane te iste dostavi ministru. Po odobrenju ministra, liste se objavljuju na web stranici Vlade Kantona: www.vladausk.ba.
- (3) Na objavljene liste subjekti male privrede imaju pravo prigovora, koji se podnosi Ministarstvu u pisanoj formi, u roku od osam (8) dana od dana objave istih na web stranici Vlade Kantona.
- (4) Nakon isteka roka za prigovor i nakon rješavanja po uložnim prigovorima, u roku od osam (8) dana od dana isteka roka za podnošenje prigovora, ministar donosi Konačnu

rang listu korisnika sredstava sa ukupnim brojem bodova i iznosom odobrenih poticajnih sredstava, na koju Vlada Kantona daje saglasnost i ista se objavljuje na web stranici Vlade Kantona.

Član 38.

(Ugovor o dodjeli sredstava)

- (1) Nakon dobijanja saglasnosti Vlade Kantona na Konačnu rang listu korisnika sredstava za mjere iz člana 3. pod a), b) i c), Ministarstvo sa korisnicima sredstava zaključuje ugovore o dodjeli sredstava (u daljnjem tekstu: Ugovor), osim za mjeru navedenu pod d), za koju se Ugovor zaključuje u roku utvrđenom u članu 35. stav (6).
- (2) Ugovor iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, obaveze i odgovornosti ugovornih strana, trajanje i raskid Ugovora i ostale elemente Ugovora.

Član 39.

(Izvještavanje o utrošku sredstava)

- (1) Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih, tako i dodijeljenih sredstava Ministarstva. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.
- (2) U slučaju da se projekat implementira sa uštedom, korisniku se daje mogućnost da izvrši nabavku roba i usluga koje spadaju u kategoriju prihvatljivih troškova definisanih u članu 9., 17., 25. i 33. ovog Programa. Vrijednost dodatno nabavljenih roba i usluga ne može biti veća od 20% od ukupne vrijednosti projekta definisane Ugovorom.
- (3) Rok za dostavu izvještaja za Korisnike sredstava po svim mjerama je **15 dana od dana isteka roka za implementaciju projekta.**
- (4) U skladu sa Ugovorom iz člana 38. ovog Programa, Korisnici sredstava su obavezni **dodijeljena sredstva Ministarstva i vlastita sredstva koristiti namjenski** i dužni su **dostaviti Izvještaj na propisanom obrascu „Izvještaj o utrošku finansijskih sredstava“** sa kompletnom dokumentacijom kojom se dokazuje namjenski utrošak sredstava.
- (5) Pravdanje za mjere „Jačanje konkurentnosti subjekata male privrede – pravna lica“, „Poticaj obrtima“ i „Podrška novoosnovanim subjekatima male privrede“ – za sufinansiranje i „Podrška pokretanju vlastitog biznisa – START UP“, će se vršiti sa odgovarajućom dokumentacijom koja se dostavlja ovom Ministarstvu i to:
 - a) Izvještaj o utrošku finansijskih sredstava – popunjen, potpisan i ovjeren od strane Korisnika sredstava (broj Aneksa je sljedeći broj zavisno od broja Aneksa mjere na koju se odnosi);
 - b) Izjavu o namjenskom utrošku sredstava ovjerenu kod nadležnog gradskog/općinskog organa ili notara (propisana i dostupna na web stranici Vlade Kantona) (broj Aneksa je sljedeći broj zavisno od broja Aneksa mjere na koju se odnosi – koji je sastavni dio Programa);
 - c) računi uz obavezan fiskalni račun (ukoliko postoji zakonska obaveza za izdavanje fiskalnog računa) – original ili ovjerena kopija kod nadležnog gradskog/općinskog

organa, koji su u skladu sa predračunima/ponudama dostavljenim uz prijavu na Javni poziv, uključujući i zavisne troškove. Napomena: Račun na kojem nije jasno vidljiva svaka specificirana stavka ili je isti prilikom sačinjavanja fotokopije prekriven fiskalnim računom, neće biti priznat kao dokaz prihvatljivog troška. Račun ne može biti stariji od dana potpisivanja Ugovora, osim za mjeru „Podrška novoosnovanim subjekatima male privrede“ – kod refundacije troškova gdje se prihvaćaju računi od 1.1.2024. godine do dana dostavljanja istih u prilogu prijave na Javni poziv, odnosno za mjeru „Podrška pokretanju vlastitog biznisa – START UP“, gdje se za refundaciju prihvaćaju računi koji ne mogu biti stariji od dana objave Javnog poziva.

- d) Izvod iz banke o realiziranom nalogu za plaćanje iz kojeg je vidljivo da je plaćanje prihvatljivih troškova izvršeno na osnovu predračuna dostavljenog pri prijavi na Javni poziv, odnosno računa dostavljenog pri pravdanju dodijeljenih sredstava (original – s tim da izvod iz banke podnosilac prijave ovjerava potpisom ovlaštenog lica i pečatom podnosioca prijave);
 - e) fotodokumentacija – podrazumijeva uslikati svaku nabavljenu stavku po dostavljenim računima – printana u boji na A4 papir – ovjerena na poleđini sa pečatom podnosioca Izvještaja);
 - f) Carinska deklaracija – ovjerena kopija kod nadležnog gradskog/općinskog organa (ukoliko se radi o uvozu opreme).
- (6) Kreditna sredstva, revolving kredit, kao ni lizing, ne mogu biti prihvaćeni kao vlastito učešće korisnika sredstava za realizaciju projekta po ovom Programu.
- (7) Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).
- (8) Ministarstvo vrši nadzor namjenskog trošenja sredstava odobrenih korisnicima na osnovu dostavljenih Izvještaja, a po potrebi i neposrednim nadzorom kod korisnika sredstava, a na osnovu valjanih izvora verifikacije navedenih u samom Prijavnom obrascu.
- (9) Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisan postupak za povrat finansijskih sredstava.
- (10) O utrošenim sredstvima po ovom Programu Ministarstvo će, u skladu sa odredbama Zakona o izvršavanju Budžeta Unsko-sanskog kantona za 2024. godinu i Odlukom o usvajanju programa utroška, izvijestiti Vladu Kantona.

VII. ZAVRŠNE ODREDBE

Član 40.

(Dodjela sredstava i poništenje Javnog poziva)

- (1) U slučaju da se nakon provedenog Javnog poziva i odabira korisnika sredstava po pojedinačnoj poticajnoj mjeri ne utroše planirana finansijska sredstva za implementaciju definisana članom 5., 13., 21. i 29. ovog Programa, sredstva će se preraspodjeliti na poticajnu mjeru za koju planirana sredstva nisu dovoljna, a o kojima će Ministarstvo predložiti Vladi Kantona Odluku o izmjeni Odluke o usvajanju Programa utroška sredstava „Subvencije preduzećima i poduzetnicima“ iz Budžeta Unsko-sanskog kantona

- Ministarstva privrede za 2024. godinu po Programu poticaja razvoja male privrede za 2024. godinu.
- (2) Sredstva se dodjeljuju korisnicima u skladu sa Konačnom rang listom korisnika sredstava do utroška sredstava predviđenih za implementaciju pojedinačne poticajne mjere, a nakon eventualne preraspodjele definisane stavom (1) ovog člana.
 - (3) Sredstva iz stava (1) ovog člana se dodjeljuju u vidu državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 200.000 EUR u tri uzastopne fiskalne godine, shodno članu 2. stav (1) tačka c) Zakona o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20).
 - (4) U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
 - (5) U slučaju nedostatka sredstava u Budžetu Kantona, obustavlja se realizacija dodjele sredstava.
 - (6) Ministarstvo ne snosi troškove nastale u vezi sa prijavom na Javni poziv.
 - (7) Korisnici sredstava, koji po Programima poticaja razvoja male privrede za 2021., 2022. i 2023. godinu imaju obavezu povrata sredstava, imaju pravo apliciranja na Javni poziv predviđen ovim Programom, s tim da su isti dužni izvršiti svoju obavezu do dana zatvaranja Javnog poziva po ovom Programu.
 - (8) Prispjela dokumentacija će se vratiti podnosiocima prijava samo na pismeni zahtjev, u slučajevima utvrđenim u stavu (4) i (5) ovog člana.

Član 41.

(Stupanje na snagu)

Ovaj Program stupa na snagu danom donošenja, a objavit će se u „Službenom glasniku Unsko-sanskog kantona“.

Broj: 03-02-51-1206/2024
Bihać, 8.8.2024. godine

PREMIJER KANTONA
Nijaz Hušić, MA